

Headline	Tingkat bekalan import, keluar stok simpanan: FAMA		
MediaTitle	Sinar Harian (Selatan)		
Date	03 Mar 2019	Color	Full Color
Section	News	Circulation	160,000
Page No	18	Readership	509,000
Language	Malay	ArticleSize	217 cm ²
Journalist	N/A	AdValue	RM 1,520
Frequency	Daily	PR Value	RM 4,560



Tingkat bekalan import, keluar stok simpanan: FAMA

SEREMBAN – Lembaga Permasaran Pertanian Persekutuan (FAMA) telah pun bersedia menghadapi sebarang kemungkinan seandainya cuaca panas yang melanda negara pada ketika ini akan menjadikan bekalan hasil tani di pasaran.

Ketua Pengaruhnya, Datuk Ahmad Ishak berkata, pihaknya ada mekanisme tertentu bagi mengatasi masalah berkenaan termasuk meningkatkan bekalan import dan mengeluarkan stok simpanan sedia ada.

“Setakat ini tidak berlaku kekurangan bekalan dan harga juga masih lagi stabil.

“Biasanya jika ada kenaikan harga, pasti disebabkan kurang bekalan, tapi itu tak berlaku,” katanya.

Beliau berkata demikian selepas Majlis Pelancaran Program MyBest Buy (MBB)/ Jualan Terus Dari Ladang peringkat Negeri Sembilan di Pusat Operasi Fama, Jalan Labu, di sini, semalam.

Majlis dirasmikan oleh Exco Pertanian dan Industri Asas Tani, Bakri Sawir



Bakri (dua, kanan) dan Ahmad (tiga, kanan) ketika majlis, semalam.

Ahmad berkata, bekalan buah-buahan juga tidak mempunyai masalah malah ada yang mudah mengeluarkan hasil pada musim panas seperti durian dan mangga.

Terdahulu, Jabatan Meteorologi Malaysia (MetMalaysia) meramalkan fenomena cuaca panas yang melanda barat Semenanjung dan Sabah dijangka berterusan hingga akhir Mac ini.

Dalam pada itu, beliau berkata, FAMA menyasarkan penambahan hingga 200 lokasi bagi program MBB hingga hujung

CUACA PANAS

tahun ini bagi merancakkan lagi aktiviti permasaran dan penjualan hasil tani.

“Sasaran hasil jualan MBB iaitu RM16 juta dengan penyertaan 2,700 usahawan.

“Petani juga ada pilihan jika saluran pasaran tradisional tak menguntungkan, mereka boleh datang ke sini,” katanya.

Sementara itu, Bakri berkata, pihaknya akan perluaskan program MBB di seluruh daerah secara berperingkat.